



***RENIN'ANDRIAMANITRA SY MPANJAKAVAVIN'NY FIADANANA  
I MASINA MARIA***

Ry Kristianina havana, ho antsika kristianina katolika dia efa nifampiarahaba sy nifampirary soa ny taom-baovao isika taorian'ny fankalazana an'I Kristy Mpanjaka dia tamin'ny alahady voalohany fiaviana no nanombohantsika ny taombaovao litorjika ka efa mamakivaky ny taona vaovao isika amin'izao kanefa araky ny averimberintsika matetika na dia tsy anisan'izao tontolo izao ny kristianina dia eo anivon'izao tontolo izao ho famantaram-pamonjena sy mizara ny manta sy ny masaka amin'ny vahoaka manodidina azy ka ankaravoana no iarahabako antsika jiaby oloaraiky amin'izao voalohany volana janoary fankalazana an'I Masina Maria Renin'Andriamanitra. Iza no andro ho firariantsoa, amin'ny maha Ray aman-dReny ny tena dia ankafaliana no angatahiko ny tsodranon'Andriamanitra ho antsika tsirairay. Ny vakiteny voalohany androany dia manamafy an'izany ao amin'ny bokin'ny fanisana *“Hitahy anao sy hiaro anao anie ny Tompo.*

*Hampamirapiratra ny tavany aminao sy hamindra fo aminao anie ny Tompo. Hanandratra ny tavany aminao sy hanome fiadanana anao anie ny Tompo”.* Zavamahery ary vatsy eo amin'ny

fiainana ny tsodrano hoy ny razana ka angatahintsika ny tsodranon'Andriamanitra ho antsika tsirairay sy angatahintsika ho an'ny firenentsika, ny tanànantsika, ny diosezintsika izay fantantsika fa ao anatin'ny fiomanana ny fototan-dehibe dia ny fankalazana ny jaobily faha 100 taona ny FET ka ho lasa renivohitry Madagasikara ny eto amintsika amin'ny fankalazana ny jaobily ary tsy ho an'ny

***Vakiteny I : Fan. 6, 22-27***

***Salamo : Sal. 66***

***Vakiteny II : Gal. 4, 4-7***

***Evanjely : Lk. 2, 16-21***

Madagasikara fotsiny fa iraisam-pirenena ny fankalazana ny kongresy eokarisitika. Taona tsara ho

antsika taonjina ho antsika, vita batemy aho ka irahina ka ho tanteraka amintsika anie izany fa tsy ho slogan fotsiny. Samia miezaka isika tolagna ho EOv vita batemy irahiana manorina ETA izany hoe hiezaka hametraka ny tontolo iainana mba ho tontolo hivelatra tokoa ka isika anie no mpiaro azy voalohany, hikorokoro azy sy hanao izay hampivelatra azy ka ho zary diosezy maintso tokoa hitondra fanantenana amin'izao taona vaovao izao ny diosezintsika fa indrindra amin'ny fankalazana ny jaobily sy ny kongresy eokaristika.

Ny eokaristia no loharano sy fototra mamelona ny finoantsika ka mba ho mpamafy ny fiadanana sy ny fanantenana isika ka ho tontolo iainana hitonda fiadanana tokoa anie ny misy antsika ka ny tontolom-piainantsika hanjakan'ny rariny sy ny hitsiny, ny fifankatiavana, ny fihavanana marina ka ny fifampirariantsoa hifampizarantsika anie mba ho tsodrano tokoa amin'ny tontolom-pianakaviana. Tsy ela isika nankalazan ny fetin'ny fianakaviana masina ka hirotsaka amin'ny fiainakaviana tsirariary ny tsodranon'Andriamanitra ka ho tontolom-piainana hanjakan'ny fiarahamonina mifankatia sy fianakaviana mifankatia ny taona 2020 izay azo lazaina fa tsy kisendrasendra fa ho taona 20/20 izao taona vaovao izao ka ho tsara sy hitondra fanantenana sy fiadanana. Raha isika olo araiky jibaby vita batemy handrafitra tontolom-pinoana misy an'Andriamanitra dia hitondra fiadanana tokoa ity taona ity. Ry Kristianina Havana, enga anie ho tontolom-pinoana hanjakan'Andriamanitra tokoa ity taona ity ka amin'izay raha Andriamanitra eo anivon'ny fiainantsika sy ivon'ny fiainantsika dia miova ny fijerintsika, miova ny fomba fiainantsika, miova ny fomba fanantanterahantsika ny asantsika rehetra ka manao ny asan'Andriamanitra isika. Raha manao izany isika dia Andriamanitra manao ny asantsika, izany no mitondra fiadanana eo anivon'ny fiainantsika.

Tsy mahagaga raha apetraky ny Eglizy I Masina Maria Renin'Andriamanitra ho modely ho antsika, Renin'Andriamanitra I Masina Maria satria Andriamanitra I Jesoa, hivavaka ho antsika izy, I Jesoa no mpanjakan'ny fiadanana, izy no hampihavana, ny fihavanana nentin'I Jesoa no nitonda fiadanana araky ny hafatr'I Papa ao amin'izao 1 Janvier izao. Tsy araky ny hevitr'izao tontolo izao izay amin'ny alalan'ny herisetra sy fanjakazakana no heverina ho fiadanana. Tsy izany no ampianarin'I Jesoa na dia mitondra fiadanana eto amin'izao tontolo izao izy dia amin'ny alalan'ny fahafoizana ny azy. Raha samy mahafoy isika ho an'ny hafa, mikatsaka ny soa iombonana dia manjaka tokoa ny fiadanana, ka izany no mahatonga izao voalohan'ny taona izao mankalaza an'I Masina Maria Renin'Andriamanitra satria mpanjakan'ny fiadanana izy no mivavaka ho an'ny fiadanana'izao tontolo izao. Hafatry ny papa amin'izao voalohan-taona izao, **arakaraky ny fampanjankantsika an'I Jesoa amin'ny fiainantsika no hampanjaka ny fiadanana** izay tena tian'I Kristy dia ny fanantanterahana ny sitrapon'Andriamanitra tahaka an'I Masina Maria, nanao Eny izy nanantanteraka ny sitrapon'Andriamanitra ka tonga olombelona teto anivontsika ilay mpanjakan'ny fiadanana dia i Kristy, nahafoy ny ainy ho fanavotana antsika.

Aoka isika hanantanteraka ny sitrapon'Andriamanitra mandritra ity taona ity ka manjaka eto amintsika ny fiadanana.

Andron'ny fandriampahalemana koa androany, ny Papa Paoly faha 6 no nisafidy ny voalohan'ny taona ho taonan'ny fandriampahalemana, taorian'ny ady lehibe faharoa izany, nangetaheta

fahandriampahalamena ny rehetra ary vokatry ny konsily faharoa, izany no mahatonga isantaona mametraka hafatra ho antsika ny Papa Ray masina, enga anie isika hiroso lalandava amin'ny fiainana ny fikatsahana ny soa iombonana ka ho tanteraka amintsika tokoa ny fiadanana eo amin'ny fiainantsika andavanandro.

Enga anie ny sitrapon'Andriamanitra no ho tanterahantsika amin'ny ataontsika rehetra ka amin'izay dia hikatsaka mandrakariva ny soa iombonana isika ka ilay fifampiarahabana sy ny firariantsika soa teo amin'ny fiandohan'izao fankalazana izao anie hanampy antsika hatrany hikatsaka ny marina, hampanjaka ny marina amin'ny ataontsika rehetra ka hikorokoro ny tontolo iainana tokoa isika, ho kanto ny tontolo iainantsika ary isika rehetra anie mba hampanjaka ny fifankatiavana, hikatsaka ny soa iombonana eo amin'ny fiainantsika andavanandro ka ho tanteraka amin'ao taona misiona, fankalazana ny jaobily sy ny kongresy eokaristika ilay teny faneva "EOV vita batemy, irahina ho misionera, hanorina ETA Eglizy Tranoben'Andriamanitra" ka ho taranaka mpanorina tokoa fa indrindra amin'izao taona vaovao izao.

Mila fiovampenitra mahery vaika mba ho tanteraka izany fanirantsika izany. Tanteraka izany raha mihaona amin'I Kristy tokoa. Ho y indrindra ny Papa : "izay mihaona marina amin'I Kristy tsy maintsy miova ary mampiova ny manodidina azy". Raha firariantsoa amin'izao taona 2020 dia isika hihaona marina amin'I Jesoa.

Mangataka ny tsodranon'Andriamanitra ho antsika tsirairay avy amin'ny toerana rehetra misy antsika. Vonjintsika ny anaran'ny Tompo, hitsodrano antsika Andriamanitra mahefa ny zavatra rehetra. Amen

Mompera Arseveka Mgr Benjamin Ramaroson